

修訂日期: 2004/11/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 32, No. 1662

原始資料: 蕭鎮國大德提供, 維習安大德提供之高麗藏 CD 經文, 日本 SAT 組織提供, 北美某大德提供

## No. 1662

### 菩提行經卷第一

#### 聖龍樹菩薩集頌

西天中印度惹爛馱囉國密林寺三藏明教大師賜紫沙門臣天息災奉 詔譯

### 讚菩提心品第一

如佛妙法體無邊	佛子正心歸命禮
佛甘露戒垂覆護	我今讚說悉依法
此說無有未曾有	亦非自我而獨專
我無自他如是時	乃自思惟觀察作
如是發心觀察時	能令我此善增長
時見如是娑婆界	此乃是彼佛世尊
此界剎那難得生	得生為人宜自慶
思惟若離菩提心	復次此來何以得
如雲覆蔽夜黑暗	閃電光明剎那現
佛威德利亦復然	剎那發意人獲福
是故善少力雖劣	能破大惡之業力
如是若發菩提心	此善勇進能超彼
思惟無量無邊劫	見佛咸說此真實
若不快樂得快樂	增長救度無邊眾
為諸有情處眾苦	令離百千諸苦怖
受多快樂百千種	為恒不離菩提心
彼善逝子處纏蓋	行在輪迴無所愛
若剎那說菩提心	人天歡喜悉歸命
若有受持不淨像	喻佛寶像而無價
如藥變化遍堅牢	等修持妙菩提心
菩提心寶驗無邊	價直世間無可喻
調御行人伴侶等	悉使受持而堅牢
芭蕉不實而生實	生實芭蕉而身謝
菩提心樹而清淨	恒生勝果而不盡

已作暴惡眾罪業	依菩提心剎那脫
勇猛依託無大怖	彼癡有情何不依
譬如劫盡時大火	剎那焚燒罪業薪
若讚慈尊無量言	是曰善哉之智者
彼種種覺心	正智而平等
菩提誓願心	而行菩提行
喻去者欲行	彼之分別說
智分別說已	所行如智用
菩提之願心	大果如輪迴
福故不間斷	亦如彼行意
若彼等無邊	有情界解脫
與彼心平等	菩提願不退
彼等好睡眠	亦復多迷醉
間斷於福流	喻空無所有
妙臂而問此	劣意之有情
於解脫得生	為自為如來
乃思惟療除	苦惱之有情
使苦惱盡已	獲得無邊福
有情無邊苦	云何而療治
使一一安樂	獲無邊功德
何以利父母	如是及眷屬
得天及仙人	淨行婆羅門
如是彼有情	乃過去睡夢
不願於自利	唯願生利他
有情最勝寶	希有何得生
種種意利他	不獨於自利
歡喜世間種	精進世間藥
心寶與有福	而彼云何說
云何諸有情	得一切快樂
為發菩提心	供養於如來
迷愛樂快樂	乃喻於冤嫌
遠離與隨行	悉從於自意
若彼求快樂	苦惱種無邊
積諸善快樂	諸苦惱消除

破壞迷惑因	善哉云何得
親彼善知識	彼福如是得
作利若迴向	彼必返讚歎
作善不求利	說彼是菩薩
若有布施於少食	修善供養於世間
所施大小如蚊蚋	亦獲快樂得半日
云何獲得於能仁	要度無邊有情盡
有情無盡若虛空	一切智求自圓滿
佛子靜念而思惟	若煩惱生自心作
數生煩惱復生疑	佛說此人墮地獄
佛子若發菩提心	滅大罪力得勝果
我今歸命摩尼心	救度有情得快樂

### 菩提行經菩提心施供養品第二

端彼摩尼恭敬心	用奉供養於如來
及彼清淨妙法寶	佛功德海量無邊
世間所有諸妙花	乃至妙菓及湯藥
所有珍寶澄清水	悉皆奉供而適意
山中之寶及眾寶	適悅樹林寂靜處
蔓花莊嚴樹光明	結菓低垂枝[椽-多+可]椽
人間天上香塗香	乃至劫樹及寶樹
池水清淨復莊嚴	鵝鴻好聲極適意
穀自然生非所種	別別莊嚴而供養
等虛空界量廣大	此一切有悉受用
我今所獻并子等	供養最上佛牟尼
為我不捨於大悲	受彼最上之供養
我以無福大貧窮	更無纖毫別供養
我今思惟為自他	願佛受斯隨力施
我自身施一切佛	以自身等遍一切
加被我作上有情	有情恒常佛教化
我得如來加被已	化利有情無怖畏
過去罪業悉遠離	未來眾罪不復作
寶光明處甚適悅	天蓋莊嚴奉真如
水精清淨復光明	種種妙堂香浴作

大寶瓶滿盛香水 復著適意諸妙花  
洗浴如來無垢身 我當讚詠獻歌樂  
清淨香熏上妙衣 用蓋覆彼最上色  
我今獻此上衣服 願佛慈悲哀納受  
種種柔軟妙天衣 彼莊嚴中而最上  
供養如來并普賢 及彼文殊觀自在

### 菩提行經護戒品第三

持戒為護心 護之使堅牢  
此心不能護 云何能護戒  
喻醉象不降 不患於疼痛  
放心如醉象 當招阿鼻等  
念索常執持 繫縛於心象  
得離放逸怖 獲一切安樂  
若能繫一心 一切皆能繫  
若自降一心 一切自降伏  
師子熊虎狼 夜叉羅刹等  
一切地獄卒 皆悉是其冤  
若怖一切冤 無邊苦惱集  
皆因心所得 佛世尊正說  
地獄眾苦器 及熱鐵丸等  
誰作復何生 貪瞋癡所有  
由彼諸罪心 佛生諸世間  
三界心滅故 是故無怖畏  
若昔行檀施 今世而不貧  
今貧勿煩惱 過去云何悔  
若人心少分 行檀波羅蜜  
是故說果報 同一切布施  
若人心持戒 嫌誰而牽殺  
嗔心之冤家 殺盡等虛空  
大地量無邊 何皮而能蓋  
履用皮少分 隨行處處覆  
外我性亦然 所有誰能勸  
但勸於自心 外我而自伏

身貧而無福  
若心施一衣  
諸行若修持  
一切無利心  
一切心法財  
離苦獲安樂  
我云何修行  
是故我觀心  
喻獼猴身瘡  
人中惡如是  
怖苦惱之瘡  
破壞於眾合  
常作如是行  
人中罪不犯  
我欲盡身命  
別別身命盡  
我欲守護心  
心念念之中  
喻於重病人  
散亂心亦然  
心散亂不定  
如器之滲漏  
由多聞之人  
過失心不定  
心不決定故  
所有之福善  
煩惱眾盜賊  
由魔羅發起  
守彼意根門  
念彼罪苦惱  
善哉隨師教  
奉於教誨師  
於諸佛菩薩  
當怖畏憶念

彼果同所行  
感果而增福  
心念恒不捨  
虛假宜遠離  
宜祕密觀察  
彼得超世間  
修行唯護心  
恒時而作護  
一心而將護  
恒常而護心  
我一心常護  
心瘡乃無怖  
不行人中惡  
自然而不怖  
利行而供養  
善心而不退  
合掌今專作  
一切方便護  
諸事不寧忍  
不堪諸事業  
聞思惟觀察  
於水不能盛  
於信方便等  
獲不寂靜罪  
迷惑賊所得  
偷墮於惡處  
魔著故得便  
破壞善生命  
惡不能牽去  
次復獲安住  
獲得善念生  
當一心供給  
剎那心決定  
慈哀現面前

塵心而不定  
若能守意門  
我今護此心  
喻木之無根  
眼觀於色相  
物物恒諦觀  
因見而觀察  
所來觀見已  
欲行不知道  
決定知方已  
智者之所行  
是善是惡等  
不住於此身  
云何住此身  
觀內心亦然  
以法為大柱  
當以如是意  
諸識皆如是  
若怖因業力  
修彼檀戒度  
若修菩提因  
一向修自心  
如是修諸善  
而令諸煩惱  
種種正言說  
觀覽悉決了  
如草被割截  
剎那行此行  
欲於諸正說  
當觀照自心  
喻木之無情  
見自心亦然  
心起於輕慢  
惟求自讚譽

去去不復還  
護之住不散  
恒常如是住  
不生惡枝葉  
知虛假不實  
是故而不著  
觀之令不惑  
安畏以善來  
望四方生怖  
觀心行亦然  
思惟於前後  
如是事不失  
離此復何作  
當復觀中間  
而用諸方便  
縛之令不脫  
觀我之所在  
攝令剎那住  
能趣求快樂  
乃至大捨等  
彼別不思惟  
當起如是見  
不起於怖畏  
決定不增長  
見在而甚多  
破疑網得果  
念佛戒能忍  
獲得殊勝果  
皆悉得通達  
常修於精進  
無言無所作  
決定令如是  
如彼迷醉人  
非彼修行者

若他人於我  
謂是嗔癡等  
如木不分別  
亦不為眷屬  
利他不自利  
是故說我心  
一心住如木  
乃至於三業  
觀察於煩惱  
當勇猛堅牢  
無善慚可怖  
清淨住三昧  
雖居童稚位  
自亦不瞋他  
我受持禪那  
為一切有情  
念念須臾間  
如是受持心  
驚貪肉不厭  
身心不修行  
云何護身意  
汝等何所行  
迷愚不自制  
此身不淨作  
骨鎖肉連持  
自覺令不貪  
割截諸身分  
審觀察思惟  
一心如是觀  
云何不淨身  
處胎食不淨  
不如是食飲  
豺鷲等貪食  
要同人愛身  
而生於毀謗  
住心恒似木  
利養尊卑稱  
乃至承事等  
但欲為一切  
堅住恒如木  
於尊親朋友  
不生憎愛怖  
如空而不著  
受持為恒常  
當一心求他  
為他所尊重  
不使他瞋惱  
慈悲恒若此  
使意恒寂靜  
恒居無罪處  
多時為最勝  
不動如須彌  
人貪善亦然  
云何能出離  
一切時自勤  
各各專一心  
妄貪如木身  
云何返愛戀  
外皮而莊飾  
解脫於慧刃  
令見中精髓  
云何見有人  
審諦不見人  
貪愛而守護  
出胎飲血乳  
云何作此身  
不分善與惡  
受用成業累

但如是護身 至死無慈忍  
與豺鷲無別 汝何恒此作  
身死識不住 衣食寧可留  
身謝識必往 受用云何貪  
是故今作意 不貪如是事  
如是不遠離 得彼諸不善  
如似人生身 肢體求成就  
受身智不增 輪還徒自困  
於世親非親 悅顏先慰喻  
如是常自制 心念恒不捨  
笑不得高聲 不戲擲坐具  
輕手擊他門 諦信恒自執  
如盜如猫鷲 求事行無聲  
修心亦如此 當離於麤獷  
他人之所嫌 無義利不說  
恒得諸弟子 言上而尊愛  
一切所言說 聞之使稱善  
觀彼作福事 稱讚令歡喜  
衷私說彼德 彼聞心必喜  
欲讚說彼時 先觀彼德行  
修諸歡喜事 難得彼誠心  
勤修利他德 當受快樂報  
憎愛苦宜捨 來生大苦故  
此苦我不住 來生大快樂  
善言聲柔軟 悲根聞生喜  
顯彼適意事 當信真實語  
恒悲念有情 愛護如愛眼  
為彼住真實 必當得成佛  
彼真實得成 各此利朋友  
剎那修功德 離苦大安樂  
功德殷勤修 恒作而自得  
不銜不覆藏 誰云諸事等  
檀波羅蜜等 殊妙而最上  
別行非最上 利下無遠離



佛如是利他  
如來之教中  
三界師入滅  
食有可不可  
將求妙法身  
於眾生如是  
捨非須盡命  
悲心當清淨  
淨心而重法  
不持傘蓋頭  
為男子女人  
不分人勝劣  
法之不廣大  
遠離不敬禮  
齒木及洩唾  
淨水及淨舍  
喫食勿滿口  
食時不語言  
坐不得垂足  
不與女同乘  
諸所不律事  
一切人既覩  
人問於道路  
雙手而指之  
凡所諸行步  
亦勿妄彈指  
師雖已化滅  
奉戒行不輕  
菩薩行無量  
當以清淨心  
於一晝一夜  
行道普懺悔  
菩提心自住  
佛子住學戒

恒常之所切  
見彼慈悲事  
分別出家人  
不離三衣等  
不苦惱眾生  
隨意獲圓滿  
彼捨要平等  
果報自圓滿  
不執器杖等  
無諸輕慢事  
說法深廣大  
令彼重平等  
乃及非法行  
樂說於大乘  
不棄於淨地  
勿得棄便痢  
食勿令有聲  
亦勿大開口  
行亦不挑臂  
亦不同坐臥  
人見心不喜  
遠離而不敬  
不得一手指  
示其道所至  
不弄臂作聲  
威儀如是守  
四儀應當學  
決定獲聖果  
所說無有邊  
決定而奉行  
分之各三時  
住佛菩提心  
亦令他獲得  
一心如是持

佛戒體清淨  
恒作如是行  
無始為有情  
如是為有情  
當知善知識  
菩薩戒最上  
解脫依師學  
佛佛說智經  
若人心護戒  
若身若心位  
口誦身不行  
譬如重病人  
虛空藏經中  
如見集戒定  
聖龍樹菩薩  
隨所住之處  
不見有纖毫  
彼福無有量  
行行而不別  
化令一切覺  
如命不可捨  
大乘法亦爾  
而能生吉祥  
讀之見戒法  
所行悉已見  
當微細觀察  
當得何所喻  
空談於藥力  
說謨羅波底  
廣如經所說  
一心之所集  
勸恒伸供養

### 菩提行經卷第一

## 菩提行經卷第二

聖龍樹菩薩集頌

西天中印度惹爛馱囉國密林寺三藏明教大師賜紫沙門臣天息災奉 詔譯

### 菩提心忍辱波羅蜜多品第四

奉行諸善業	施戒而先導
供養於如來	百千劫無盡
修行於羸提	嗔罪而不立
觀種種體空	是故一心忍
不得貪快樂	守意令平等
心有嗔惱病	無睡恒不足
彼此有施主	供給於利養
隨彼愛重心	無得生瞋惱
凡諸親近事	不起於憎嫌
於彼無所瞋	乃得其安樂
忍如是等事	若對於冤家
於瞋若能除	世世獲安樂
冤若生於心	於愛亦無喜
若殮瞋惱食	無忍善不壞
彼食我大冤	於我無善利
知彼冤不食	是故忍堅牢
凡見冤來去	歡喜而不瞋
於冤若起瞋	善利終滅盡
忍心常若此	令瞋不得起
住忍無時節	瞋冤自不生
若人自保愛	不作惡口業
口業若不離	後感冤家苦
畏苦不出離	不行眾苦因
是故堅忍心	獲得諸快樂
彼訥陵識子	邪見求解脫
刀割火燒身	無利由能忍
愚癡無正見	虛受大苦惱
我以菩提心	云何苦不忍
蚊蚤壁虱等	常飢渴苦惱

大痒煩苦人  
寒熱并雨風  
被諸苦惱事  
殺他血流迸  
割身自見血  
智者心清淨  
與煩惱相持  
蛇腹行在地  
殺之謂無勇  
如來大悲者  
使識罪根本  
父母何計心  
持心離瞋怒  
譬如無智人  
修行而無智  
欲住不思議  
於此生愛重  
若貪彼塵境  
因彼諸業力  
於境若不貪  
和合心無故  
不貪而不生  
我得如是故  
彼無生不生  
瞻察於彼此  
此心恒清淨  
所變悉從因  
過去行行時  
隨彼所行因  
一切雖由因  
說求性寂靜  
若取和合因  
此心不可住  
是故見冤家

住忍而不見  
病枷鎖捶打  
忍不求快樂  
堅牢心勇猛  
怕怖而驚倒  
常懼瞋惱侵  
忍心恒勇猛  
喻瞋伏於心  
殺彼得最勝  
愍苦說輪迴  
住忍而不作  
懼子遭淪溺  
自遠大苦報  
令罪而得生  
瞋生亦復爾  
當須持自心  
令瞋不生起  
而生種種罪  
而不得自由  
彼集無因立  
是故無有生  
無得而自說  
是生不思議  
是得云何有  
滅盡得無餘  
喻隨色摩尼  
無因相何有  
彼行何所作  
等因而感果  
因善惡由心  
如是有何過  
是樂於苦惱  
智人應自勸  
想作善知識

因行如是行  
如是諸有情  
自在若成就  
散亂心緣塵  
食斷食增瞋  
自若無福行  
如殮毒藥食  
自住是煩惱  
欲解脫他人  
煩惱迷昏濁  
毒盛無有悲  
自性既愚迷  
生彼瞋無疑  
有情性愚時  
愚迷故若此  
若人瞋不護  
喻持杖勸人  
我於過去生  
是故於今身  
我身喻於鐵  
如彼鐵持身  
我今看此身  
雖被諸苦惱  
愚迷起愛業  
得苦緣自過  
喻受地獄苦  
知自業所生  
我得如是業  
設令入地獄  
欲盡我之業  
我業既如是  
我此過如是  
云何分別知  
若人自護持

當獲得快樂  
由業不自在  
誰肯趣於苦  
心被刺不覺  
於苦而返愛  
返愛纏縛業  
墮於生死崖  
誠由不自護  
此事何由得  
而致於自殺  
云何瞋不護  
於他行燒亂  
如火而能燒  
所行諸過失  
如煙熏虛空  
愚迷無智故  
而增彼瞋惱  
苦惱諸有情  
被苦惱能忍  
受彼燒鎚鍛  
何得有其苦  
如無情形像  
而瞋無所起  
不知其苦本  
云何生瞋惱  
飛禽劍林等  
何處有瞋惱  
此過知所起  
不由他所作  
無量無有邊  
長時受地獄  
彼實我冤家  
愚迷瞋造作  
對冤忍不恚

是心功德生  
盡我之所行  
不忍瞋不護  
意無相無形  
由身護持故  
我於口惡業  
身不被眾苦  
我於今生中  
於利益既無  
凡所作為事  
彼無利非愛  
不如今殞沒  
邪命住雖久  
譬如在夢中  
如真實得樂  
喻彼時無常  
覺此二事已  
久處於歡娛  
如行人被劫  
福利隨過減  
福盡罪不生  
彼何為活命  
如是不思惟  
無得讚於瞋  
如是心利他  
為彼修心人  
見彼煩惱生  
塔像妙法等  
佛等無苦惱  
於師并眷屬  
今因過去生  
覺心觀有情  
見彼如是已  
瞋恚與愚癡

地獄云何入  
得因如彼時  
破壞於修行  
散亂即破壞  
身苦當忍受  
眾過而不作  
云何心有瞋  
淨心行利行  
何事於食飲  
要在於利他  
定獲罪無疑  
無貪邪壽命  
死當墮苦趣  
百年受快樂  
覺已知暫非  
壽命之延促  
彼何得快樂  
自謂得多益  
裸形復空手  
罪根還復生  
為獲不瞋利  
一向作不善  
無善不破壞  
破壞有情故  
彼瞋無由生  
於忍不住故  
是讚忍功德  
有謗及破壞  
我於彼不瞋  
不作於愛業  
見之而自勉  
恒在眾苦惱  
於苦惱能忍  
分別過一等

於此毒過咎  
云何於過去  
如是諸業因  
如佛福亦然  
與一切有情  
喻火燒其舍  
舍中若有草  
如是還喻心  
燒彼福功德  
若人殺在手  
地獄苦能免  
若人在世間  
地獄苦無量  
我以如是苦  
一一為利他  
我無如是等  
以離世間故  
離苦獲快樂  
得彼如是讚  
彼既得如此  
利他行最上  
如是最上行  
此見若不捨  
若敬愛於他  
他德既稱讚  
當發菩提心  
令得諸快樂  
佛為三界供  
世利得不實  
若人之骨肉  
養育與命等  
如彼求菩提  
而不愛有情  
若人有所求

何得說無過  
而作害他業  
間斷此何作  
我今一心作  
慈心互相觀  
舍中而火入  
彼火自延蔓  
和合於瞋火  
剎那無所有  
放之善可稱  
此善誰不讚  
少苦不能忍  
瞋因何不斷  
歷百千地獄  
所作不自為  
諸大苦惱事  
為利如是行  
彼皆讚功德  
云何而不喜  
無礙之快樂  
智者何不勉  
得快樂不修  
破壞於正見  
以德而稱讚  
乃是自敬愛  
為一切有情  
云何瞋有情  
欲有情成佛  
彼煩惱何作  
乃及諸眷屬  
不喜瞋何生  
當用菩提心  
福自捨何瞋  
出財大捨施

所求既不獲  
清淨功德福  
得已自不受  
作罪與作福  
亦復不依作  
若愛於冤家  
復求諸讚說  
雖欲利圓滿  
菩提心不忍  
煩惱之惡鉤  
由如地獄卒  
我本求利他  
無福無壽命  
自利行不圓  
後後而自行  
修行要稱讚  
如世不實事  
譬如破壞舍  
亦由稱讚非  
汝思惟於聲  
心如此利他  
於他何所受  
彼既獲快樂  
彼彼獲利樂  
云何而於我  
彼如是讚我  
彼無緣若此  
此讚我雖獲  
憎惡正德者  
是讚成障礙  
護不墮惡趣  
若解諸有情  
令有情解脫  
若人欲捨苦

不如財在舍  
何障而不獲  
如住瞋修行  
不同不隨喜  
當自一無得  
欲求其歡喜  
此事無因得  
返苦而無樂  
於利不成就  
牽人不自在  
擲人入湯火  
何要虛稱讚  
無力無安樂  
智者應須覺  
當愛樂圓滿  
若持刃自殺  
無益無利樂  
日照內外見  
須用心明了  
起滅而平等  
當行如是行  
而行於利益  
我利益非虛  
以一切讚我  
無別威德樂  
以愛彼自得  
如愚如迷者  
速破而勿著  
由此而瞋作  
我令不發起  
為彼行無我  
利養尊卑縛  
彼意云何瞋  
來入解脫門



此是佛威德  
此瞋我不作  
修行平等忍  
自身諸過失  
過失不作故  
若人福無有  
常令安住忍  
世求利益人  
障礙出家故  
世間諸難得  
我唯說善利  
以彼菩提行  
如出舍中藏  
懺悔於業因  
是故於忍果  
彼無我所心  
成就不思議  
此心為利他  
或以冤不供  
於彼彼惡心  
於如是得忍  
佛土眾生土  
於彼奉事多  
如來及於法  
尊重於佛故  
立意乃如是  
以彼大平等  
大意於有情  
發心如佛福  
是故佛法行  
佛無所平等  
佛功德精純  
雖三界供養  
佛法等之師

云何我瞋彼  
於福障礙故  
彼無不獲得  
忍辱故不作  
彼福而獲得  
安忍而自生  
云何說障礙  
不於施作障  
是不得出家  
求者而能與  
於過無所得  
遠離於所冤  
是故云不難  
彼初為先導  
如是而得生  
此心乃住忍  
供養於妙法  
乃至以壽命  
云何別說忍  
各各與忍辱  
因供養妙法  
大牟尼說此  
能感於富貴  
與有情平等  
尊有情亦然  
於自無所作  
平等於有情  
慈心而供養  
如佛福可得  
佛有情平等  
功德海無邊  
無功德能比  
見之而不能  
是最上有情

供養諸有情	當如此作意
於自之眷屬	不能起利行
於他之奉事	不作得何過
破壞身入無間獄	若彼作已我復作
廣大心為彼一切	如是常行於善事
喻世人為自在主	由於己事不稱情
云何而為彼作子	我作非彼奴僕性
喻佛入苦而無苦	如得快樂復歡喜
要歡喜彼一切佛	佛喜為彼能此作
如身煩惱而普有	欲一切乏悉充足
於有情苦亦復然	我無方便空悲愍
是故此苦我遠離	救一切苦興大悲
先憐惱於忍辱人	彼罪我今而懺悔
我今奉事於如來	同於世間諸僕從
眾人足踏我頂上	受之歡喜而同佛
世間一切賤能作	以悲愍故無有礙
見此一切無比色	彼如是尊誰不敬
如是為奉於如來	如是為自利成就
如是為除世苦惱	如是我今乃出家
譬如一王人	能調伏大眾
眾非一能調	以長親王故
彼一而非獨	蓋有王之力
制斷不怯劣	亦無有過失
悲愍心住忍	力若地獄卒
將護於有情	如事以惡王
瞋非王所令	如彼地獄苦
煩惱於有情	彼苦而自受
喜非王所與	如得於佛等
善心於有情	此心何不受
將護於有情	後當得成佛
見感尊重稱	此善何不見
無病復端嚴	快樂而長命
富貴作輪王	斯皆從忍得

## 菩提行經菩提心精進波羅蜜多品第五

智者行忍辱 菩提住精進  
懈怠遠離福 如離於風行  
精進力何解 彼要分別說  
懈怠不精進 如毒宜自觀  
貪味於睡眠 謂快樂無事  
輪迴苦可嫌 而從懈怠生  
煩惱之舍宅 懈怠力牽入  
已到無常門 云何今不知  
精進為自他 此行汝不見  
懈怠復睡眠 此如屠肆牛  
若此而不見 一切道皆斷  
彼既無所得 云何樂睡眠  
若得於威儀 無常而忽至  
施為不可及 何以住懈怠  
精進而不修 安然若精進  
忽然趣無常 思惟而苦苦  
見彼焰魔門 苦惱復情急  
剎那而淚下 眷屬不能救  
聽聞地獄聲 自念業熱惱  
身住不淨處 驚怖不能極  
地獄苦極惡 惡業何復作  
如魚鼎中活 彼得如是怖  
地獄業作已 乃受湯火苦  
身糜爛苦惱 如何得清淨  
魔王多苦人 捉人送無常  
無常苦可畏 此見懈怠果  
愚迷著睡眠 此過而不劣  
入於大苦河 復不得人身  
除樂最上法 無邊樂種子  
懈怠并戲笑 苦因汝何樂  
見負嗔力多 知彼自精進  
自他各所行 如自他平等

我何得菩提  
以如來真實  
彼蚊蚋虻蠅  
若獲精進力  
彼我何生人  
恒知諸精進  
或捨於手足  
愚迷違師教  
斷壞及燒煮  
無數俱抵劫  
歷此無數苦  
喻若毒苦傷  
作一切醫人  
是故苦消除  
是故說救療  
上醫療大病  
前後皆如是  
後後而進修  
智者觀身肉  
枯謝棄糞土  
若身所作苦  
智者心非惡  
知法意快樂  
無此虛輪迴  
求盡過去罪  
此力菩提心  
如是利不樂  
菩提心輦輿  
為成就有情  
身力苦怖作  
斷如是分別  
我身而能捨  
我消除自他  
一一之過失

而無分別作  
實言正解脫  
及蟲蝦蜆等  
亦當得菩提  
能知利不利  
何不得菩提  
於此而生怖  
此利彼不知  
無邊皆拔出  
而未得菩提  
久久證菩提  
毒盡苦皆出  
救療諸病苦  
一切病皆少  
甜藥不利病  
甜藥皆不與  
智者咸所行  
身肉而捨用  
喻菜而生有  
是捨不名難  
心謂其虛作  
彼無惡業苦  
具福身快樂  
得苦云何悲  
深利他福海  
二乘等要急  
行行何得苦  
智者乘得樂  
樂施方便力  
觀之唯稱讚  
增長於精進  
超過身方便  
無數之過失  
若劫盡無餘

彼過一一盡  
無邊苦已脫  
我求多功德  
學一一功德  
纖毫之功德  
或當得生處  
我樂興大供  
為貧不能作  
不施怖者安  
如入母胎藏  
過去為離法  
所生既如是  
一切善心根  
彼根恒不退  
煩惱苦纏綿  
於他愛障難  
若人於處處  
而感彼彼福  
若人於處處  
而感彼彼報  
月藏中清涼  
佛音味第一  
而彼善逝子  
如蓮出最上  
焰魔之獄卒  
火坑及洋銅  
焰熾殺器杖  
墮落熱鐵地  
是故心作善  
依彼金剛幡  
初學觀和合  
而無最上名  
生中之所作  
上事業不修

我無有纖毫  
我心云何損  
為利於自他  
劫盡學無盡  
我生不曾作  
虛度無所有  
供養佛世尊  
而願不圓滿  
不修母快樂  
母唯病苦惱  
我今得果報  
當行何法行  
世間之牟尼  
常得好果報  
而得種種怖  
生罪而自感  
能起於善願  
獲得供養果  
作罪取快樂  
獲得苦器侵  
廣博妙香潔  
非修而不得  
得解善逝法  
亦如仁覺月  
牽引於罪魂  
燒煮悉皆入  
斷肉百千斤  
斯由多不善  
極微細觀察  
修學而作觀  
不觀汝非學  
汝要迴心作  
增長於罪苦  
彼下不求勝

三種事應知  
將來之惡因  
世間之煩惱  
我如人不能  
下業之所修  
當觀我無我  
一滴之甘露  
我意謂微劣  
嗔作無心難  
無心見發起  
是故清淨心  
使知彼三界  
我得勝一切  
我今而自知  
有情離我人  
不降懈怠冤  
以惡趣所牽  
由僕從愚惡  
彼受於一切  
而此得名聲  
如是若勇猛  
勇猛行此修  
彼慢心若起  
勝果雖欲生  
喻精進師子  
煩惱獸千萬  
世有大苦惱  
煩惱不降伏  
我寧使頭落  
煩惱諸冤家  
因修此精進  
獲得勝果報  
為快樂修因  
所修不決定

由業煩惱力  
於此云何作  
拘人不自由  
是故我無作  
云何令安住  
而此我所作  
鳥食變金翅  
能脫少苦難  
以不善罪故  
廣大勝難及  
頌作此文句  
我遠離戲論  
無人能勝我  
是佛師子子  
而彼得最上  
懈怠冤自降  
身善速破壞  
寄食而受瘦  
修行住我慢  
下劣云何說  
自勝彼冤家  
慢冤而不勝  
此實我冤家  
是果悉皆捨  
煩惱獸中見  
雖眾不能敵  
人自悉具見  
乃得如是苦  
及剝剔心腸  
一切我不降  
得彼慢業盡  
自感嬉戲樂  
彼却不獲得  
亦得不殊勝

輪迴欲不足 喻貪刀刃蜜  
福甘露若貪 食之後轉美  
是故業寂靜 感妙果隨行  
如日溫月寒 晝夜而相逐  
精進之有力 能破於懈怠  
獲得遠離故 深心而愛樂  
煩惱棒堅牢 鬪彼念慧劍  
喻棒劍相持 同彼女人學  
執劍手無力 失之而怖急  
念劍失亦然 地獄而在心  
世間知善人 不肯飲毒血  
心過亦復然 心過而不作  
出家精進心 喻執持油鉢  
鉢墜必當死 墜之故驚怖  
著睡眠懈怠 喻毒蛇在懷  
不去當被傷 去之宜須急  
一一之深過 要迴心思惟  
此過不可守 云何我復作  
和合之業因 斷以正念劍  
云何名自位 此念而獲得  
正念心不發 纖毫不能滅  
來業如往行 一切報皆得  
如彼覩羅綿 隨風而來往  
精進人亦然 增上如是得

## 菩提行經卷第二

### 菩提行經卷第三

聖龍樹菩薩集頌

西天中印度惹爛馱囉國密林寺三藏明教大師賜紫沙門臣天息災奉 詔譯

#### 菩提心靜慮般若波羅蜜多品第六

佛喜精進增	安住禪定意
繁彼散心人	煩惱芽間住
我今知身心	不生於散亂
是故遠世間	亦遠離疑惑
利益行可愛	愛不離世間
智者乃思惟	是故此皆捨
依於奢摩他	尾鉢奢曩等
如是而起行	破壞於煩惱
先求奢摩他	不藉世間行
無常而恒有	於愛何得要
若見於千生	不復起愛著
不樂尾鉢捨	亦不住等持
見已不止足	是患過去渴
如實而不見	安得盡煩惱
意緣於愛集	被煩惱燒然
思惟彼下墮	短命須臾住
善友不長久	堅固法不成
行與愚迷同	決定墮惡趣
何得同愚迷	以毒分牽故
而於自眷屬	剎那獲怨恨
凡夫性異生	喜怒而無定
多瞋承事難	遠離於善利
下劣心自讚	縛著憎愛罪
彼不捨於瞋	當墮於惡趣
迷愚不攝心	為此無功德
自讚毀謗他	輪迴樂自得
愚迷之所持	住是等不善
不善不和合	彼事皆獲得
一身我所樂	而意無所貪



遠離於愚迷  
不為於讚歎  
略如蜂造蜜  
我行一切處  
恒得於多人  
若迷於處處  
以此於世間  
是故彼智者  
知千種苦惱  
若於剎那頃  
獲得好名稱  
以彼同利人  
若此加毀謗  
雖毀謗不瞋  
謂佛及有情  
稱讚得功德  
世間不思惟  
自性苦同住  
愚迷非朋友  
若在於愚迷  
若入利他門  
不毀於有情  
損於利物行  
如彼天宮殿  
隨彼愛樂心  
自性之廣大  
彼所未曾見  
富貴喻坯器  
受用然自由  
如盜他人衣  
行住不自在  
稱量於自身  
我此如是身  
觀察於此身

當得愛承事  
住於何善事  
寂靜得成就  
如未曾有者  
讚歎而敬愛  
得意樂快樂  
得生死怖畏  
怖畏於生死  
住之決定受  
自修於精進  
亦復多利養  
毀我非功德  
我謂讚歡喜  
稱讚亦不喜  
種種皆如是  
毀謗招苦報  
是謂愚癡故  
彼生何所樂  
此乃如來說  
自利無不愛  
如是為自愛  
不一心承奉  
如煩惱壞善  
及於樹根舍  
從意得為上  
斯為無礙處  
亦不能觀察  
雖成不堅牢  
苦惱而速至  
分之著身上  
苦惱當求離  
彼實苦惱法  
是身必當壞  
性與身相離

性然無所壞  
一生定一死  
彼復見何事  
如人遠路行  
憂苦彼別無  
喻輪迴亦然  
直至於四人  
如是之一身  
直至如是成  
過去世間時  
所行行不近  
念佛心口同  
是故身意調  
如是我恒行  
解脫於自心  
得此心平等  
斷彼苦惱縛  
若有男女等  
善利非算數  
有善用自金  
此行若能行  
彼人有此獲  
明了如是行  
一心住貪愛  
業感焰魔門  
彼門是汝冤  
分明住貪愛  
過咎自藏護  
彼今所食噉  
飛鷲常所貪  
復以血莊嚴  
喻見鬼形容  
相貌既如是  
口吻及牙涎

身當為豺食  
有情界如是  
諸大各分去  
欲及於住舍  
唯求無障礙  
咸受於生住  
彼方獲遠離  
冤家所不讚  
不厭患世間  
生死無悔恨  
能離世間苦  
無有人嫌毀  
寂靜無煩擾  
滅盡諸煩惱  
復解脫一切  
於今世後世  
乃至地獄等  
合掌多恭敬  
無罪可稱說  
遠離棄擲怖  
得最上寂靜  
我自得無異  
何不趣寂靜  
此為下趣牽  
前見見可怖  
煩惱今不同  
今見何能脫  
一一他眼見  
妬忌何不護  
唯愛此肥肉  
此食偏所重  
枯瘦及行動  
觀之堪可怖  
皆從不淨生

不淨非所堪 食飲彼何愛  
靚羅綿藏觸 細滑樂嬉戲  
臭穢豈不漏 慾者心自迷  
此貪謂若蓋 迷者堅樂著  
無著即無事 云何而不離  
衰老相隨生 肉泥加飾染  
不識彼空幻 而復樂歎吻  
如袋不淨滿 迷人不思惟  
不淨如是多 彼汝何喜行  
身肉非淨成 愚智而皆見  
自性元無心 云何妄愛肉  
若彼無愛心 是得分明見  
若能無彼此 自不見歎吻  
別有非不淨 而自不希有  
如是不自淨 彼汝非希有  
愚迷不淨心 體喻於蓮花  
慧日照開敷 非淨身何愛  
不淨今無常 染愛今不正  
欲出正淨身 云何由染愛  
云何歎吻他 由貪彼不淨  
於彼不淨地 種子生增長  
汝受不淨身 此身唯蟲聚  
是身既非淨 非淨不可愛  
不淨而不一 而汝自不嫌  
無別不淨器 此器孰多愛  
龍腦香米等 食飲而適悅  
入口味最上 是地合清淨  
若此甚分明 彼不淨不離  
穢惡棄尸林 是身同若此  
皮剝肉潰爛 見之得大怖  
既能知彼已 復何生愛樂  
白檀香復潔 身無如是妙  
云何殊勝香 用心而別愛  
自性臭若貪 不樂於寂靜

亦於法諸香  
若復髮甲長  
垢膩之所持  
狂亂自癡迷  
復持諸器仗  
寒林枯骨形  
聚落枯骨動  
不淨乃如是  
如彼那落中  
少年貪受樂  
少年如不求  
如彼日將落  
復如鹿獸群  
錫杖鉢隨行  
如犢隨母行  
若自為欲迷  
彼不得自在  
如女產林野  
迷者為欲誑  
斷欲者心淨  
見彼欲火燒  
迷人求欲境  
無利事無邊  
世間虛幻財  
輪迴往來苦  
如是貪欲味  
喻牛牽重車  
欲味與無草  
見已破知非  
而身為作此  
勝定業不修  
彼百俱胝劫  
彼行大苦苦  
無器仗毒火

一切皆染污  
牙齒兼垢黑  
惡性身裸露  
欲用行大地  
一心待自殺  
見乃發惡聲  
迷人返愛樂  
此苦為彼愛  
無苦痛不受  
不求勝善力  
老至欲何作  
為作困不就  
至夜空還去  
在路而困苦  
無所畏亦爾  
自賣為僕從  
亦復隨業牽  
如戰命難保  
恃我感奴僕  
於苦能審察  
復若毒槍刺  
喜獲妄守護  
清淨皆破壞  
愚人忙忙貪  
解脫於何時  
欲者受不少  
至彼口無草  
見者人難得  
剎那覺希有  
一切時疲倦  
必當墮地獄  
分受困不覺  
不為求菩提  
無山崖冤等

離欲者若此  
遠離如是欲  
愛樂非空處  
善財月光明  
廣寶樓閣間  
善林聲不鬧  
彼處而寂靜  
若處何可親  
捨愛離煩惱  
是處主宰無  
歡喜愛快樂  
觀功德智慧  
復正菩提心  
先當如是觀  
我自一切行  
手作多種事  
世壞不壞法  
如己之別苦  
如是我受持  
我若愛於他  
彼得快樂已  
我若不愛他  
彼苦怖不脫  
苦害令若得  
未來苦害身  
我若住邪見  
如是別得生  
作罪不作罪  
手足苦不同  
以此知不合  
是合當盡斷  
種子集次第  
若此而無苦  
苦本非主宰

說離地獄苦  
生愛樂分別  
而諍善林地  
白檀涼香潔  
行住甚適悅  
清淨風長扇  
思惟心爽利  
空舍巖樹下  
自在護根識  
自在隨行住  
何推帝釋天  
如是等諸法  
消除於疑惑  
重自他不二  
苦樂亦平等  
守護如一身  
苦樂等亦爾  
一一皆消盡  
為於有情等  
令得平等樂  
於自勝何奪  
彼得諸苦怖  
於自當何勝  
而由不愛護  
云何而可護  
復起於我慢  
如是別得死  
如彼手與足  
云何同說護  
心住於我慢  
彼自宜隨力  
排行若軍伍  
彼不知何得  
世一切不勝

若住於尸羅  
若住戒清淨  
一切苦無因  
悲苦云何多  
思惟於世間  
一苦而非多  
悲苦如是生  
自苦不消除  
是故妙人月  
善者如是觀  
設在無間中  
為解脫有情  
如是恒不足  
作是利他日  
利他無所求  
是故我如此  
悲心與護心  
智者細微知  
智者得了此  
是身非別作  
以自知他身  
自知己有過  
自性不樂捨  
此身之和合  
此是世間緣  
云何學無生  
自身而非身  
如是而利他  
果熟而自受  
是故世間學  
此愛心自蔽  
知有情怖畏  
若能如是學  
沙門見怖畏

是苦不能立  
能障一切苦  
諸苦而無有  
何力而能生  
是故悲苦多  
見有情獲得  
於自他平等  
欲消除他苦  
說彼有情句  
他苦平等護  
如鵝遊蓮池  
彼若歡喜海  
如彼解脫味  
無我無有疑  
果報誰云愛  
無德而自謂  
為他如是起  
輸羯羅血等  
觀察物不實  
何以自不知  
如是故不難  
不知他功德  
徒觀察他施  
因緣如拍手  
有情何不知  
如學而自知  
以自如他身  
作已不疑慮  
當獲彼無生  
悲心與護心  
深重如煩惱  
為師而示學  
雖難而不退  
彼無得護者

若自及與他  
曠如冤怖多  
以最上祕密  
水陸與飛空  
由若於今時  
若人為財利  
見世惡莊嚴  
何有於智者  
見冤不欲覩  
斯鬼而自利  
利他而不生  
以自利害他  
自害而利他  
作意善逝見  
下劣不自愛  
自利知微細  
利他微細知  
世有諸苦者  
世諸快樂者  
何要多種說  
愚迷樂自為  
不求佛菩提  
自苦欲與他  
觀察於後世  
於奴僕起業  
互相之利樂  
而返互相苦  
若得世間災  
彼一切自作  
不能捨自身  
如不離於火  
自苦若能除  
以彼自他受  
汝今無別思

急速而當救  
無愛怖獲少  
自他轉行利  
勿令人住殺  
救度於飢渴  
殺父毀三寶  
死得阿鼻財  
見愛而供養  
供養云何說  
捨之而何受  
云何捨受用  
地獄而別生  
諸功德具足  
如是行別處  
愚癡投惡趣  
今當墮奴僕  
當為自在主  
昔自迷貪愛  
於他昔利樂  
此中間已見  
牟尼利他作  
輪迴何得樂  
迴轉無由得  
善利不成就  
主者而返受  
迷者見而離  
當受惡苦報  
乃至驚怖苦  
云何而此作  
於苦不能離  
不能遠燒害  
能消除他苦  
是故而取喻  
利益諸有情

汝決定作意  
眼以見為能  
手以執為用  
但為諸有情  
離見乃善逝  
見彼下品人  
雖觀彼憎愛  
作此善無我  
大毀及讚歎  
我所作業因  
謙下世最上  
以彼德不稱  
謙下而若此  
離戒見煩惱  
如醫諸病人  
我如是救療  
然自有功德  
地獄之惡門  
以有功德故  
若自平等觀  
自利分尊卑  
此一切世間  
若此功德名  
罪蓋覆心寶  
於自利益分  
有見而暫喜  
如是一切人  
下劣心我慢  
誇智慧顏容  
以此為自德  
聞讚生勝心  
以此為得利  
宿造纖毫因  
盡此少報已

因業有分別  
所觀不為眼  
所持寧為手  
亦不住身見  
常行如是利  
而起自他見  
我心不疑惑  
獲得無我我  
無苦亦無樂  
獲彼善安住  
無德乃有德  
一切德自有  
勝我由斯得  
由得無我力  
隨藥力痊差  
自見而云何  
彼德我無住  
於彼愁不生  
斯乃為智者  
利益自增長  
鬪諍而成就  
誰得見功德  
不聞此人得  
是不自供養  
而總不獲得  
久久必不喜  
哂笑而毀訾  
自勝嫌人同  
種族財富等  
常欲聞稱讚  
歡喜而得樂  
自謂功德力  
得此不正業  
永在於輪迴



如是輪迴中  
過於無邊劫  
被苦常大困  
如是不知覺  
後見如來言  
汝若見過去  
菩提正快樂  
是故而取喻  
汝云何更作  
諸行及己身  
獲得如是離  
自樂而苦他  
汝自之一心  
中間忽思惟  
乃自捨快樂  
寧自落其頭  
乃至於小過  
以別勝善等  
喻僕人事主  
彼住於過失  
自如不知人  
汝若緊迅作  
彼緊迅若此  
此修乃第一  
喻新住威儀  
如此受持身  
汝當如是住  
以是常觀察  
如此調伏我  
見我去何處  
同彼過去時  
自利我今有  
如人賣於他  
汝有情不與  
受彼百千苦  
不知其出離  
罪心而不覺  
久久發善種  
真實得功德  
不受彼惡業  
此樂不得離  
彼輸揭羅等  
我慢及不善  
觀之而不見  
利他汝常行  
此行乃下劣  
於他作憎愛  
何時何此作  
他苦亦不行  
更不造別過  
此大牟尼說  
於他暗稱讚  
當事於有情  
無定無功德  
作此功德意  
自為及為他  
必苦惱自退  
而未得其力  
以財而驚怖  
降心不散亂  
汝此何不作  
妄心令不起  
息一切過失  
無明一切壞  
如汝之壞我  
此遠離不遠  
苦多不自在  
雖名不散亂

是故如以人 付獄卒不殊  
獄中種種事 被害亦長久  
此得為自利 怨念彼不生  
不作於自愛 而自愛得有  
若見自護持 護持不實故  
此身乃如如 而作於守護  
得上品柔軟 到此亦復然  
若此而得到 如地一切受  
若不能圓滿 何人求用意  
愛心之煩惱 而不能破得  
如彼久富貴 不能求一切  
若貪於他物 不受於賢名  
是故求增勝 身心不放逸  
彼愛終滅盡 此動此不覺  
諸惡不淨身 此我云何執  
我此身云何 雖活而必死  
與土而無異 我見何不破  
為此不實身 虛受於苦惱  
何更於無情 復起於瞋怒  
我今徒育養 終為豺鷲食  
至此無愛瞋 彼愛何能立  
若彼住瞋怒 當歡喜供養  
彼如是不知 何為作辛苦  
我今愛此身 乃為我所親  
一切愛自身 云何我不愛  
是故我捨身 為捨於世間  
觀此多過咎 喻如持業器  
彼業世間行 我去而隨身  
靜念不散亂 當斷於無明  
是故破煩惱 我處於禪定  
邪道不牽心 自名最上住

### 菩提行經卷第三

## 菩提行經卷第四

### 聖龍樹菩薩集頌

西天中印度惹爛馱囉國密林寺三藏明教大師賜紫沙門臣天息災奉 詔譯

### 菩提心般若波羅蜜多品第七

如來智慧仁	為一切世間
令求遠離苦	是故智慧生
真如及世間	今說此二法
知佛真如故	說法而智慧
彼世間凡夫	見二種相應
害及勝害等	乃世相應事
彼二事見已	見之乃為智
智見世間性	是喻於真如
此說無去來	智者無不見
色等甚分明	乃世相應事
不淨而為淨	智者喻有利
為知世間故	是說世間性
為見於真如	見以剎那住
世間行相應	此行無過失
知女人不淨	異世諸害事
謂佛福虛幻	使我云何信
有情若幻境	云何復生滅
彼因集和合	乃得於幻緣
有情種子生	云何有真實
殺彼虛幻人	無心性等罪
平等心虛幻	罪福得生起
真言力等持	幻境心無著
以彼種種幻	種種因業生
何有於一人	得於一切力
若住於真如	或住於淨戒
如是即佛行	誰云菩提行
因緣當斷盡	幻化不可得
因緣若斷盡	無生而自得
若不住疑妄	幻境而不立

幻境若彼無  
如是即真如  
心如是若分  
心不自見心  
如劍刃雖利  
自性由若斯  
破闇然得名  
又若水精珠  
因青而有青  
非青而現青  
又如彼燈光  
智慧此開通  
雖開而不開  
石女義不生  
亦同無心識  
非念而別生  
謂若因若果  
有談眼藥方  
若見聞覺知  
念斷於苦因  
念念而無別  
前塵常惑人  
如幻而不實  
住塵處輪迴  
住塵性亦然  
若與不善俱  
若心有取捨  
如是用心意  
幻境一切知  
於彼幻三毒  
知於煩惱心  
於彼得見時  
煩惱性非盡  
至彼無所學

一切不可得  
得現於心體  
虛幻何由見  
世尊之所說  
雖利不自斷  
復喻如燈光  
而不云自照  
體本唯清澈  
影現隨眾色  
如心而自作  
智者知此說  
知者何所說  
如人無所覩  
與此義不二  
緣念無所得  
虛妄念如毒  
為法而自說  
見瓶而無藥  
此有而非有  
此實念當念  
此心當平等  
了之無所有  
妄心而自見  
喻空無所依  
亦無有所得  
不善汝所得  
施一切如來  
而有何功德  
煩惱云何斷  
遠離而不作  
彼作而未盡  
空有意無力  
與空而相雜  
彼後乃得盡

彼性而無得  
彼性若無住  
若性而無有  
是性如去來  
劫樹與摩尼  
佛變化亦然  
喻法呪林樹  
毒等雖久害  
菩薩之修行  
菩提行最勝  
以彼平等行  
及作不思議  
隨彼所行因  
供養等真實  
云何得法空  
不離牟尼道  
汝不求大乘  
二乘得成就  
若彼所作因  
別怖怖非實  
此法要當知  
離此為他法  
法乃僧根本  
心若有著處  
解脫心無著  
煩惱業消除  
愛取不相緣  
愛業而羸劣  
受愛得相緣  
安住有著心  
若心之不空  
心性若云空  
如應正等覺  
是義乃大乘

亦復不能見  
云何住此身  
身住於無性  
隨現而無著  
能如意圓滿  
當為斯行願  
呪成而枯壞  
彼彼皆消除  
所作諸事業  
佛樹能成就  
而住於寂靜  
供養得何果  
而得於彼果  
得果而稱實  
實得解脫法  
當得於菩提  
何法求圓滿  
成就非圓滿  
怖畏於大乘  
此怖實名怖  
大乘之所論  
知彼外道論  
僧知法出離  
涅槃不可得  
煩惱得消滅  
斯由解脫力  
以此無執持  
是無有癡愛  
此受而有得  
是得名處處  
復得名為著  
如識而無得  
所說之妙法  
大乘行平等

說法之一時  
一味之平等  
迦葉大尊者  
彼汝云不覺  
解脫力若怖  
迷彼苦空事  
迷空彼若此  
此空審觀察  
離闇知煩惱  
欲速一切知  
若物生於苦  
彼苦因空作  
若於彼物怖  
如是我無所  
牙齒髮爪甲  
鼻涕唾膿涎  
便痢汗熱風  
如是諸法等  
說彼智與聲  
若說聲智離  
若智之不知  
彼智既決定  
此智非聲受  
彼聲近於心  
若受於色聲  
如彼一父子  
有情塵所翳  
知聲色如是  
彼色如是知  
彼自性如是  
餘色咸不實  
彼一切智心  
思惟一覺心  
愛若虛不實

了一切過患  
諸佛無不說  
如言之不知  
不受當何作  
輪迴得成就  
而得於此果  
不得謗於法  
是故得不疑  
因法知於空  
彼言審觀察  
是苦怖得生  
彼何得生怖  
斯即名我所  
苦怖云何得  
骨肉并血髓  
脂肪及腸胃  
九漏并六識  
一切皆無我  
聲恒受一切  
彼離云何知  
彼智難知故  
乃近於智智  
彼聲何以聞  
彼知色如是  
而色復何受  
思惟無真實  
無父亦無子  
亦無於自性  
喻樂暫和合  
彼一而言有  
此說色下品  
煩惱悉清淨  
彼等彼若無  
云何住於見

無我而無心  
是心智相應  
如是之自心  
彼愚癡無行  
有行自出離  
破壞業若為  
此二之行果  
彼說知不虛  
因果定相應  
此行而實住  
過去未來心  
此心生我破  
如芭蕉作柱  
我心生亦然  
有情若不有  
彼行今若為  
有情何實無  
若滅於苦惱  
我慢為苦因  
彼事心不迴  
無足無脛膝  
無臂亦無肩  
無肋兼無脇  
無項復無頭  
觀此一切身  
彼行於處處  
以彼身手等  
彼一身如是  
無內無外身  
手等無分別  
彼既無癡身  
住已近殊勝  
若彼因和合  
若了如是相

此心喻畫像  
清淨愚癡破  
彼作云何作  
此我而虛作  
而無惡業果  
善果云何得  
互相破成就  
彼自而無事  
惡見要不生  
作受今當說  
彼我無有生  
我無復生起  
無所能勝任  
是得善觀察  
此行云何為  
而為有癡事  
癡喻其愛事  
當斷於癡事  
癡是得增長  
觀空為最上  
無腰復無腿  
無臍無胸背  
無手亦無鼻  
骨鎖等皆爾  
不行於一處  
何處自安住  
一切處皆住  
乃至於手等  
何獨身手等  
云何彼復有  
寧云意手等  
觀者知人喻  
木人此可同  
彼身同此見

如是捨足指 手指亦皆捨  
彼初觀節合 後見節自離  
此身破已竟 彼住分別見  
分別見此身 得喻如虛空  
如是之夢色 智者何所樂  
設施若無身 何有男女等  
若喜真得苦 此者何不解  
觀察此云何 愛樂深煩惱  
樂者之不實 如彼無執受  
汝苦復云何 如彼自無得  
彼有苦微細 既微而不說  
以彼微細故 不說令他喜  
因瞋而苦生 既生而有滅  
若於定有見 於生自不受  
如是而既知 如是觀因果  
禪愛或相應 得生彼疑地  
善根之所利 皆為於何人  
彼此何和合 和合而何得  
人喻於虛空 雖合而無入  
無入而非合 是無分別行  
不求和合名 若見而無見  
和合彼不求 云何名得生  
有物非和合 如導而先知  
而彼識無相 不住於和合  
彼觸法如是 何受而得生  
我今何所為 而得於苦害  
若不得所受 苦害而不覺  
此位彼得見 何愛不遠離  
今見此夢觸 自心之幻化  
既見彼觸性 彼受汝亦得  
先世與後世 念念而無受  
若此觀自身 受亦無所得  
所受既不實 彼即知無有  
若此無自身 云何如是害



色性之自住 無根無中間  
無內無外色 別處亦不得  
身若無異處 無合無分別  
有情之自性 寂靜彼無所  
智者若先知 云何而有著  
智者同智故 彼生何得著  
是智是後得 是智云何得  
如是一切法 雖生而無得  
如是法若無 是法云何二  
彼餘法若是 有情皆寂靜  
彼他心有疑 於自即無有  
彼定彼後有 此法無彼此  
思惟於自心 是二互相住  
如得於正住 一切智者說  
若有諸智者 獲得於智智  
智者得是智 彼即是無位  
智者得是智 有得而無住  
無住即無生 彼說於涅槃  
若彼之二法 如是極難住  
若法由於智 智者何因有  
是智由於知 知者無所得  
二法互相由 是有情無性  
無父定無子 欲子生何得  
有父而有子 彼二法亦爾  
芽從種子生 種子得何求  
知從智所生 彼實何不行  
芽從智種生 知從智芽有  
若彼知不知 何得有智智  
一切人因緣 彼前皆已說  
因果所生起 等喻如蓮花  
因果何由作 皆從於過去  
此果云何得 由過去業力  
世間因自在 自在彼何說  
如是得後有 彼彼名何雜

是事唯不定 非心非賢聖  
過惡無善報 彼何得自在  
不見如虛空 不見自過去  
自在不思議 此理不應說  
彼主何最上 彼亦自無定  
善惡各自性 智者知無邊  
因業有苦樂 彼說何等作  
先因若不有 果報誰云得  
云何不作恒 彼無於別見  
彼作既無別 何得見彼彼  
若見和合因 無復云自在  
此和合無主 彼法乃無主  
彼愛不自愛 此愛而無作  
所得而由他 何云自在作  
彼不作過去 謂若恒不滅  
愛此最上數 謂世間恒常  
有情塵闇蔽 住此惡功德  
謂此說最上 此說世間惡  
一三之自性 不合而無有  
是德無所有 彼各各三種  
功德雖無聲 此聲有還遠  
如衣等無心 由此生快樂  
色性之亦然 觀之性無有  
彼等快樂因 有無若衣等  
此衣等快樂 此乃性快樂  
彼等之快樂 不能得久遠  
彼得是微細 云何彼麤細  
快樂如是實 思惟何不受  
離麤得微細 微細不久遠  
一切物亦然 久遠何不得  
快樂得不麤 快樂不常定  
彼無有所生 此說不真實  
彼真實德生 彼得無欲住  
為食不淨食 而有於因果

愛無價之衣 買靚羅種子  
不愛世間癡 彼住真如智  
彼智世間有 云何而不見  
同彼世間量 若此分明見  
世量而非量 彼無妄言說  
是故觀真如 彼空而不生  
知性之不觸 是性而無執  
彼性實非實 是故非實性  
是故彼夢覺 此疑彼無有  
彼性若見有 乃不實生者  
是故知彼性 無因即無所  
一切皆無主 因緣中安住  
由彼無別異 不住復不去  
於實彼若迷 返為世間勝  
為從因所生 為從幻化作  
何來彼何去 了知而若此  
若此而了知 乃見彼無性  
云何知假實 同於影像等  
性若云自有 是因何所立  
彼若是不有 彼因故不用  
有無之性相 因俱抵百千  
彼位云何性 何得於別性  
彼性無性時 是性何時得  
無性即無生 當依彼性行  
性無過去性 而由性不生  
無有性無性 喻幻化和合  
一切有無性 有如是不滅  
此一切世間 是故不生滅  
知行空不實 喻夢喻芭蕉  
分別滅不滅 一切不可得  
性空乃如是 何得而何受  
不實恒若斯 彼彼云何得  
何苦何快樂 何愛何不愛  
彼愛何所愛 要當知自性

世間亦可知  
何人何所親  
一切喻虛空  
歡喜瞋相對  
瞋惱諸邪行  
罪惡自愛樂  
死即墮惡趣  
或往來天中  
捨於多罪崖  
如是真無性  
說彼將來惡  
色力并壽命  
雖獲於快樂  
眠睡災昏迷  
當盡彼虛幻  
彼學何所作  
彼彼諸魔事  
於彼多正道  
復於剎那中  
過去未來苦  
而於此苦海  
如是此安住  
如須臾須臾  
見如是自利  
無老死自在  
從彼惡法來  
苦火熱如是  
自作於快樂  
以我何見知  
稽首具足知

何名為無上  
何生而何得  
彼此受皆失  
因喜或鬪諍  
一切令破壞  
是得惡趣名  
得苦而無悔  
生生而得樂  
謂真實如是  
復互相憎愛  
溺無邊苦海  
彼得而唯少  
而由飢困者  
如虛幻和合  
若此而難得  
何行何斷除  
斯為大罪崖  
難勝而不行  
難得生覺悟  
難竭煩惱海  
我恨苦求離  
若自不樂住  
入火而澡浴  
而受於此苦  
彼行因如是  
感惡而前死  
我何時得息  
福雲生繚繞  
而說知慧空  
稽首福德重

### 菩提行經菩提心迴向品第八

菩提行若此  
菩提行莊嚴

思惟於行福  
一切人皆得

乃至一切處	身心苦惱者
彼得此妙福	歡喜快樂海
若有不自在	而處輪迴者
使得世間樂	及得菩提樂
若有世界中	乃至於地獄
而令彼等人	悉受極快樂
寒苦得溫暖	熱苦得清涼
菩薩大雲覆	復浴法水海
鐵樹鐵山峯	劍林光閃爍
一切成劫樹	罪人喜安樂
喻迦那摩 . 迦囉拏	鴛鴦鵝雁聲適悅
池沼清淨無濁穢	微妙諸香生喜樂
地獄爐炭聚	而得摩尼聚
熱地水精巖	復寶山和合
以如是供養	善逝宮皆滿
炭火熱劍雨	今後灑花雨
彼劍互相殺	今後花互散
爛搗諸身肉	喻君那花色
肉骨與火同	棄墮奈河水
以我善力故	令得天宮殿
彼光如千日	彼滿那枳儻
焰魔之獄卒	見者不驚怖
烏鷲等飛類	悉離惡食苦
愛彼普快樂	此得何善生
福喻於虛空	觀此上下等
如見金剛手	速滅除災患
降彼花香雨	破滅地獄火
云何名快樂	云何名歡喜
處彼地獄者	得見觀自在
同一切威德	俱胝髻童子
大悲菩提心	救度於一切
以彼天供養	天冠及天花
乃至悲心花	適悅寶樓閣
天女之言說	百千種歌詠

讚大聖文殊 及普賢菩薩  
以此善功德 同於地獄者  
大聖觀自在 觀察地獄苦  
無量苦可怖 手出甘露乳  
濟彼諸餓鬼 與食與洗浴  
令飽滿清涼 離苦得快樂  
如彼北洲人 色力并壽命  
聾者得聞聲 盲者得見色  
妊娠及產生 喻摩耶無苦  
雖衣雖飲食 莊嚴而清淨  
一切隨求意 得利復得益  
怖者不受怖 不樂而得樂  
煩惱得無惱 見者皆歡喜  
病者獲安樂 解脫一切縛  
無力而得力 愛心互相施  
安樂於十方 行道一切至  
惡事皆滅盡 當成就好事  
乘船商賈人 得滿所求意  
安樂到彼岸 親等同嬉戲  
飢饉時路行 得伴無所畏  
不怖賊與虎 復不怖迷醉  
曠野無病難 耄幼無主宰  
賢聖悉加護 諸煩惱解脫  
悲愍信智慧 具足相修行  
恒得宿命通 而得無盡藏  
乃至虛空藏 無緣無方便  
無少才不喜 有情乏名聞  
當得大名稱 出家若醜陋  
當得具色相 若彼有三界  
使彼得丈夫 亦離高下品  
當破我慢意 今我一切福  
利諸有情等 常離一切罪  
恒作善利事 菩提心所行  
菩提行不退 遠離我慢業

當得佛受記  
得無量壽命  
破壞無常聲  
一切方皆得  
同佛佛圓滿  
如掌而平坦  
一切地皆得  
普遍諸國土  
莊嚴於大地  
光明於虛空  
諸有情常聞  
彼彼恒得見  
供養於世尊  
穀麥咸豐實  
王法得依行  
明力皆成就  
斯等皆悲愍  
無罪復無病  
煩惱無所得  
隨意而行住  
成就於僧事  
復得一切解  
捨離諸煩惱  
當遠離鬪諍  
不得破禁戒  
恒樂盡諸罪  
得益往天趣  
為得於善利  
名聞滿諸方  
恒行無苦處  
供養一切佛  
彼成佛世間  
樂佛而得樂  
菩薩得成就

一切有情等  
壽命得恒長  
劫樹苑適悅  
妙法而適意  
彼諸高下石  
柔軟瑠璃色  
諸大菩薩眾  
以自住光明  
諸樹及飛禽  
說法聲不住  
佛及佛子等  
無邊供養雲  
天雨依時節  
世間得具足  
藥力倍增盛  
羅刹拏吉儻  
無有苦有情  
不輕慢下劣  
讀誦而自在  
眾集乃恒常  
苾芻住淨戒  
觀察於心業  
苾芻所得利  
諸出家亦然  
得戒而守護  
若彼不破戒  
若彼持鉢者  
得清淨種子  
永不受罪苦  
無邊諸有情  
當受一天身  
不思議有情  
願為於世間  
彼尊若思惟

彼有情令得  
及得聲聞樂  
意重而恒護  
出家此恒得  
文殊師利住  
隨力而能與  
得生於一切  
及有欲聞者  
文殊師利尊  
為一切有情  
我得如是行  
或住於世間  
得壞世間苦  
彼一切我得  
菩薩之樂得  
一切皆富樂  
佛教而久住  
歸命於文殊  
清淨此增長

辟支佛安樂  
天人阿修羅  
若彼宿命通  
若彼歡喜地  
我若以彼位  
若知和合住  
若有欲見者  
如是彼得見  
如日照十方  
彼文殊修行  
彼或住虛空  
今我住亦然  
世間若有苦  
世間一切善  
一藥救世間  
一切同利養  
以善意清淨  
我說善知識

#### 菩提行經卷第四